

VODIČ ZA PRISTUP INFORMACIJAMA u Regulatornoj komisiji za energiju u Federaciji Bosne i Hercegovine

I - UVODNE NAPOMENE

Ovaj je vodič načinjen sa ciljem da se svakom fizičkom i pravnom licu pomogne i omogući da u skladu sa Zakonom o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01 i 48/11) (u daljem tekstu: Zakon) pristupi informacijama koje su u posjedu Regulatorne komisije za energiju u Federaciji Bosne i Hercegovine (u daljem tekstu: FERK).

Sjedište FERK-a je u Mostaru, Blajburških žrtava 33

Telefon (+ 387 36) 44 99 00, faks broj (+ 387 36) 33 35 07

Sekretar FERK-a je ovlašten za informisanje i neposrednu obradu zahtjeva za pristup informacijama.

Ovaj vodič, Indeks registar informacija u posjedu Regulatorne komisije za energiju u Federaciji Bosne i Hercegovine i Obrazac zahtjeva za pristup informacijama FERK-a mogu se dobiti na protokolu FERK-a kao besplatan primjerak, a nalaze se i na internet stranici FERK-a, www.ferk.ba.

II - POSTUPAK PRISTUPA INFORMACIJAMA

1. Podnošenje zahtjeva

Pravo na pristup informacijama ostvaruje se podnošenjem zahtjeva za pristup informacijama, koji treba ispunjavati sljedeće formalne uslove:

- da je u pisanom obliku i to na jednom od službenih jezika u Federaciji BiH (prema obrascu u prilogu ovog vodiča);
- da sadrži dovoljno podataka o prirodi i/ili sadržaju tražene informacije, da bi FERK mogao uz razuman napor pronaći traženu informaciju;
- da sadrži ime i prezime podnosioca zahtjeva i njegovu adresu.

Ako pisani zahtjev za pristup informacijama ne ispunjava jedan od navedenih uslova, FERK će što je prije moguće, a najkasnije u roku od osam dana od dana prijema zahtjeva, rješenjem obavjestiti podnosioca zahtjeva o nemogućnosti obrade zahtjeva. Navedeno rješenje sadrži pouku o pravu na žalbu, naznaku i adresu organa kojem se žalba podnosi, rok i troškove za podnošenje žalbe, kao i uputstvo o pravu obraćanja ombudsmenu sa naznakom neophodnih podataka za kontaktiranje ombudsmena. U istom rješenju podnosilac zahtjeva će se obavjestiti da će se njegov preinačeni zahtjev smatrati novim zahtjevom.

Ukoliko primi zahtjev za pristup informacijama za koje nije nadležan, FERK će bez odlaganja, a najkasnije u roku od osam dana od dana prijema zahtjeva, dostaviti zahtjev nadležnom organu i o tome pisanim putem obavjestiti podnosioca zahtjeva. Ukoliko se ne može utvrditi sjedište nadležnog organa, a FERK nema kontrolu nad traženom informacijom, FERK će bez odlaganja, a najkasnije u roku od osam dana od dana prijema zahtjeva, pisanim putem obavjestiti podnosioca zahtjeva o razlozima zbog kojih ne može udovoljiti zahtjevu.

2. Odlučivanje po zahtjevu

Ukoliko zahtjev za pristup informacijama ispunjava pobrojane formalne uslove, te ukoliko FERK odobri pristup informacijama u potpunosti ili djelomično, o tome dostavlja rješenje podnosiocu zahtjeva.

Način pristupa informacijama može biti:

- lični pristup informacijama u prostorijama FERK-a,
- kopiranje informacije i
- slanje informacije na adresu podnosioca zahtjeva

Ukoliko odbije pristup informaciji, u potpunosti ili djelomično, FERK će rješenjem obavjestiti podnosioca zahtjeva, navodeći zakonsku osnovu za isto, kao i pouku o pravnom lijeku. Podnosilac zahtjeva može protiv rješenja kojim se odbija pristup informaciji u potpunosti ili djelomično, podnijeti prigovor FERK-u u roku od osam dana od dana prijema rješenja. Rješenje doneseno po prigovoru je konačno i protiv njega podnosilac zahtjeva može pokrenuti upravni spor kod nadležnog suda.

Rješenje kojim u potpunosti ili djelomično odobrava, odnosno odbija pristup informaciji FERK dostavlja podnosiocu zahtjeva što je prije moguće, a najkasnije 15 dana od dana prijema zahtjeva, osim u slučajevima propisanim Zakonom, kada FERK po hitnom postupku obavještava podnosioca zahtjeva o produžetku roka, kao i o razlozima tog produženja.

3. Informacije izuzete od saopštavanja i javni interes

Zahtjevu za pristup informacijama koje su Zakonom izuzete od saopštavanja neće biti udovoljeno, a razlozi će biti obrazloženi u donesenom rješenju.

Razlozi za izuzeće mogu biti:

- interesi obrane i bezbjednosti, kao i zaštite javne bezbjednosti,
- sprečavanje kriminala i otkrivanje kriminala,
- zaštita postupka donošenja odluka u FERK-u, uključujući i davanje mišljenja, savjeta ili preporuka bilo da se radi o licu zaposlenom u FERK-u ili drugom licu koje je radom vezano za FERK, sa tim da ne obuhvaća činjenične, statističke, naučne ili tehničke informacije.

Kada FERK osnovano utvrdi da zahtjev za pristup informaciji uključuje povjerljive komercijalne interese treće strane, FERK će bez odlaganja u pisanom obliku obavjestiti treću stranu o pojedinostima zahtjeva i upozoriti je da će se tražena informacija saopštiti, ako u roku od 15 dana od dana prijema obavještenja u pisanom obliku ne odgovori da smatra da je

informacija povjerljiva i navede razloge zbog kojih bi njenim saopštenjem mogla nastupiti šteta. Nakon prijema odgovora FERK će utvrditi izuzetak u saopštavanju tražene informacije.

Kada FERK osnovano utvrdi da informacija sadrži lične interese koji se odnose na privatnost trećeg lica, FERK će utvrditi izuzetak od saopštavanja tražene informacije.

FERK će saopštiti traženu informaciju bez obzira na gore navedene izuzetke, ako je to opravdano javnim interesom. Pri tome će uzeti u obzir svaku korist i štetu koja može proizaći iz saopštavanja informacije.

4. Lične informacije

Zahtjev koji se odnosi na ličnu informaciju može podnijeti samo lice na koje se informacija odnosi, odnosno zakonski zastupnik ili punomoćnik. Lice na koje se informacija odnosi dužno je sekretaru FERK-a ovlaštenom za informisanje kod podnošenja zahtjeva pokazati lični dokument sa fotografijom, te potpisati zahtjev.

Ukoliko zahtjev podnosi zakonski zastupnik podnosioca zahtjeva ili punomoćnik, to lice je dužno potpisati zahtjev i pokazati lični dokument sa fotografijom, dokaz o zakonskom zastupanju, odnosno punomoć, kao i kopiju ličnog dokumenta podnosioca zahtjeva.

III - KONTAKT

Za sve potrebne informacije, zainteresovana lica mogu se obratiti sekretaru FERK-a ovlaštenom za informisanje, telefonski: (+ 387 36) 44 99 00, ili elektronski kontakt@ferk.ba ili na internet stranici www.ferk.ba.

Broj: 08-08-31-05/17

Datum: 13.02.2017. godine

INDEKS REGISTAR INFORMACIJA u posjedu Regulatorne komisije za energiju u Federaciji Bosne i Hercegovine

Regulatorna komisija za energiju u Federaciji Bosne i Hercegovine (u daljem tekstu: FERK) u svom posjedu ima informacije vezane za poslove iz svoje nadležnosti propisane Zakonom o električnoj energiji u Federaciji Bosne i Hercegovine („Službene novine Federacije BiH“, broj 66/13 i 94/15), Zakonom o korištenju obnovljivih izvora i efikasne kogeneracije („Službene novine Federacije BiH“, broj 70/13 i 5/14) i Zakonom o naftnim derivatima u Federaciji Bosne i Hercegovine („Službene novine Federacije BiH“, broj 52/14). Ove informacije su ili u pisanom ili u elektronskom obliku, u originalu ili fotokopiji.

Način pristupa informacijama detaljno je opisan u Vodiču za pristup informacijama u Regulatornoj komisiji za energiju u Federaciji Bosne i Hercegovine.

Ovaj Indeks registar, uz nazive organizacionih jedinica FERK-a, sadrži osnovne vrste informacija koje iste posjeduju, obzirom na svoj djelokrug rada.

Za informacije koje nisu navedene u Indeks registru ili su vam potrebna dodatna pojašnjenja, možete se obratiti sekretaru FERK-a koji je ovlašten za informisanje ili ih pronaći na internet stranici FERK-a, www.ferk.ba.

UNUTRAŠNJA ORGANIZACIJA FERK-a I VRSTE INFORMACIJA

1) Kancelarija sekretara FERK-a

- Opšte informacije o FERK-u i aktivnostima FERK-a,
- Godišnji izvještaj o radu,
- Informacije o sjednicama, internim sastancima i javnim raspravama FERK-a,
- Informacije vezane za sadržaj internet stranice FERK-a,
- Informacije vezane za koordinaciju i saradnju FERK-a sa DERK-om, RERS-om, NOSBiH-om, Elektroprenosom BiH a.d. Banja Luka i drugim subjektima u energetskom sektoru, te državnim organima, udruženjima potrošača, privrednim i drugim subjektima,
- Informacije o saradnji FERK-a sa organima zakonodavne i izvršne vlasti i
- Informacije o zakonskoj regulativi iz područja regulisanih energetskih djelatnosti.

2) Sektor za pravne poslove

- Informacije o pravnom statusu i organizaciji FERK-a,
- Informacije o propisima iz nadležnosti rada FERK-a,
- Informacije o Pravilniku o javnim raspravama i rješavanju zahtjeva, sporova i žalbi, Pravilniku o arbitraži, Pravilniku o zaštiti povjerljivih informacija,

- Informacije o opštim aktima FERK-a (Statut FERK-a, Poslovnik o radu FERK-a, Etički kodeks i drugi opšti akti FERK-a),
- Informacije o prigovorima, žalbama, tužbama u postupku arbitraže pred FERK-om i drugim podnescima upućenim FERK-u,
- Informacije o sudskim postupcima u kojima je FERK tužilac ili tužena strana,
- Informacije o proceduralnim pravilima izdavanja dozvola za rad za obavljanje licenciranih djelatnosti i
- Informacije o proceduralnim pravilima tarifnih postupaka

3) Sektor za tehničke poslove i licence

- Informacije iz Registra dozvola,
- Informacije o izdavanju, obnovi, izmjeni i dopuni, prenosu i oduzimanju dozvola,
- Informacije o nadgledanju i praćenju pridržavanja uslova izdatih dozvola,
- Informacije o izvještajima vezanim za obavljanje energetske djelatnosti,
- Informacije o kriterijima i standardima za ocjenu kvaliteta isporuke i snabdijevanja električnom energijom,
- Informacije o poslovima zaštite učesnika na energetskom tržištu,
- Informacije o energetske efikasnosti i zaštiti okoline i
- Informacije o pravilnicima i odlukama FERK-a uključujući i Opšte uslove za isporuku električne energije, Pravilnik za izdavanje dozvola, Pravilnik o sticanju statusa kvalifikovanog proizvođača električne energije, Pravilnik za mikro-postrojenja obnovljivih izvora energije, Pravilnik o izdavanju dozvola za rad (licenci) za obavljanje energetske djelatnosti iz sektora naftne privrede, Pravilnik o metodologiji za utvrđivanje garantovanih otkupnih cijena električne energije iz postrojenja za korištenje obnovljivih izvora energije i efikasne kogeneracije, Pravilnik o izvještavanju za imaoce dozvola za snabdijevanje električnom energijom – dozvola II reda, nezavisne i kvalifikovane proizvođače i Operatora za OIEiEK, Mrežna pravila distribucije.

4) Sektor za tarife i tržište

- Informacije o podnesenim zahtjevima za odobrenje cijena/tarifa za djelatnost distribucije električne energije, uslugu javnog i rezervnog snabdjevača,
- Informacije o tarifnim metodologijama,
- Informacije o izračunu i iznosu naknada za priključenje,
- Informacije o analizama planova razvoja i izgradnje distributivne mreže,
- Informacije o izvještajima vezanim za obavljanje energetske djelatnosti,
- Informacije o planovima za otvaranje i uspješno funkcionisanje energetskog tržišta na načelima konkurentnosti i nediskriminacije,
- Informacije o funkcionisanju tržišta i odnosima između učesnika na tržištu električne energije, tržišta naftnih derivata i ostalih energenata i

- Informacije o pravilnicima i odlukama FERK-a uključujući i Pravilnik o obaveznom udjelu i preuzimanju električne energije proizvedene iz obnovljivih izvora energije, Pravilnik o metodologiji za utvrđivanje referentne cijene električne energije, Pravilnik o izvještavanju, Pravilnik za izradu i primjenu dijagrama opterećenja, Regulatorni kontni plan, Pravilnik o snabdijevanju kvalifikovanih kupaca električnom energijom i postupku promjene snabdjevača, Pravilnik za tarifnu metodologiju i tarifne postupke, Pravilnik o metodologiji za izračunavanje naknade za priključenje i definisanje rokova i uslova za priključak na distributivnu mrežu, Pravilnik o izvještavanju za imaoce dozvola za snabdijevanje električnom energijom – dozvola II reda, nezavisne i kvalifikovane proizvođače i Operatora za OIEiEK.

5) Sektor za finansije

- Informacije o Budžetu FERK-a,
- Informacije o finansijskim izvještajima FERK-a,
- Informacije o izvještajima revizije o poslovanju FERK-a,
- Informacije o pravilnicima iz oblasti finansija i računovodstva uključujući i Pravilnik o metodologiji i načinu obračuna regulatornih naknada za imaoce dozvola,
- Informacije o javnim nabavkama i
- Informacije o zapošljavanju

6) Sektor zajedničkih poslova

- Službene izjave za medije,
- Odnosi sa javnosti i
- Informacije o kancelarijskom i arhivskom poslovanju FERK-a.

OBRAZAC 1.

Podnosilac zahtjeva
(ime i prezime, adresa)

Regulatorna komisija za energiju u Federaciji Bosne i Hercegovine - FERK

ZAHTJEV
za pristup informacijama FERK-a

(upisati podatke o prirodi i/ili sadržaju tražene informacije, da bi FERK mogao uz razuman napor pronaći traženu informaciju)

(mjesto i datum)

Potpis podnosioca zahtjeva

OBRAZAC 2.

INSTITUCIJA OMBUDSMENA/OMBUDSMANA ZA
LJUDSKA PRAVA BOSNE I HERCEGOVINE

PARLAMENT FEDERACIJE BOSNE I HERCEGOVINE

U skladu sa članom 20. stav (3) Zakona o slobodi pristupa informacijama u Federaciji Bosne i Hercegovine („Službene novine Federacije BiH“, broj 32/01 i 48/11) u prilogu Vam dostavljamo tromjesečne podatke kako slijedi:

Za period od _____ godine do _____ godine:

BROJ PRIMLJENIH ZAHTJEVA: _____

VRSTA TRAŽENIH INFORMACIJA: _____

UTVRĐENI IZUZECI: _____

ODLUKE DONESENE TOKOM POSTUPKA: _____

KONAČNE ODLUKE: _____

PREDSJEDNIK FERK-a
